山庫全幸

史部

欽定四庫全書

詳校官編修日 瓊

修臣表議覆勘

编

總校官編修臣王燕緒 校對官編修臣 膽録監生臣董那本 沈清藻

史部

歷代名臣奏議卷二百四

表高事多多方取言以野地是表外方言言以入一下 以與知及其至也雖聖人有所不知馬詩曰先民有 宗時右正言未光庭上奏日臣竊以自古以来甚 一朝必無天下之智以為聰明中庸日夫婦之愚 吉 明 楊士奇等 撰

書並許實封直言更不限以日月如此則與情盡達朝 而言無不盡然後與諫敢善在該木之設初無以異若 **俾天下臣庶並許實封直言此盛徳也必使知無不言** 通治過而来陳者也固未當限以日月伏觀六月記 政常無壅塞之弊而聖治可不勞而成矣 為日月限我欲望聖慈復的天下臣庶依今年六月的 乃上之治底于無為下之人至于不議然博訪之道不 可少廢況聖政日新方欲聞所未聞豈可於求言之 書

金牙四月月月

麦二百四

我夫心知其非而面循其情口 其家不貧人主之言若皆切當如此羣臣安得不畏 吾亦欲除吏又謂衛青日郭解布衣權至使將軍言此 E 姓之疾苦而各為私 遇 之尊與天地同 月發言當如雷霆告漢武帝謂田蚡曰君除吏盡未 此時不務將順聖德紀綱治體革政事之久弊教 孜 我求治此誠充舜之資產生之福也產臣幸得 體以到健為德以重厚為威照微當 鬬不知窮極誠可罪也臣聞 順其說依違兩可此 君 服 百

慮 陛下自今應有臣僚上言朝廷闕失者陛下當清心審 獨 してう ミ ここ 然後施行關防秘密外人莫得而知及詔令已下臺諫 人之常情自非大賢誰肯以已之所謀為非而以他 方得聞之若事有未便從而論列陛下還復下之兩府 官為是我必須排檳沮柳以為難從此人主之所以 君之大患也國家政事未有不先經兩府相與商 自以大公至正之道決之若大臣所謀果是不必 拒諫之名而大臣私得專權之便者也臣愚伏 **鹽代名臣奏議** 碩 望

恤 迷 争執者陛下亦當再加審察更以理道往返與相話 先後惟是之從又何紛紜之足患我必若其人等固有 多好四月全種 此 則萬事無不當矣必若理道是非顯然在目而其人 以盡其情果有可取勿憚改為若漢宣帝之于趙克國 文過 言者所陳果當不必曲順大臣之意位無萬下言無 則豈惟事得其正亦使威福之柄盡歸帝室矣凡 之事是非未明則不可不謹是非既明則在陛下 強狠不己者雖加罪點天下豈以為不可我 百二 難

光又請自擇臺諫衙子曰臣竊見近日臺諫上言制置 こうい 聞者無不駭愕竊惟朝廷之意無他正欲懲戒来者使 不能移者正謂此也惟聖明裁察 闕失百姓有疾苦大臣專恣左右姦邪天子深居九重 以惡名如吕公著告辭云乃誣方鎮有除惡之謀中外 三司條例司害民及吕惠卿姦那者率被責降或更加 而行之臣前日所謂惟道所在斷之不疑姦不能感佞 敢復言耳國家置量諫以為天子耳目唯恐政事有 /. 1.. 歷代名臣奏議 19

多京四库全書 罪而逐之更使大臣自擇所親以代其任萬一又為公 議憂念朝廷哀関百姓忤犯大臣刺議左右者陛下 不能得聞故也今臺諫官稍有懷到直之志畏天下 外陛下耳目之所不及者雖有至大之事廹切之禍陛 可臣亦曰可君所謂否臣亦曰否若以水濟水誰能食 公死黨之人然後止耳若言路皆此等之人則禁闥 則又逐之是必得庸懦阿諛不知廉耻附下罔上背 知之 如此豈宗廟社稷之福也晏子曰君所謂 **基二百三** 輛

蔽則天下幸甚臣受陛下近分之思不敢塞點雖死怨 心令莹諫官已被逐者臣不敢留唯願陛下自擇公正 劉直者布之言路以明四目達四聰勿使為羣下所欺 下之人谁不知之獨陛下與王安石未之寤耳豈可更 必更置達諫官也且條例司之害民日惠卿之姦邪 之點逐量諫以長其威福成其氣勢臣竊為陛下寒 異於已者去之然則陛下獨與大臣為天下足矣何 今陛下使大臣自擇莹諫官大臣又取同于已者存

次に日事と書

歷代名臣奏詠

知 部令也部今所以行于天下者信也部令不信則 習坐言人罪惡被絀監當習之為人忠邪愿奸臣所 今陛下命羣臣使斥言有位之 **熈寧元年翰林學士王安石上奏曰臣竊聞轉對官陳** 雠之手猶賢于竊禄偷生者也 金罗巴西 權廢矣故孔子以為兵與食皆可去而不可以無 然陛下施罰如此有未安者二上下之所以相遇 7則不改問其虚實而紐之則甚害陛下之信此 卷二百三 |阿私朋 FL 尸素有 主 者 信 不

次已四年 A書! 位者遂以為人主厭惡言人之惡者其俗之弊乃至大 惡則今孰敢為陛下言人之奸者乎奸不上聞則雖 為陛下斥言人臣之罪未知其虚實而陛下遂以為大 所不喜而人主又厭惡之則其弊必至于此今有 臣奸邪贓污而真宗終不得聞盖言人之惡者既衆 陰有中傷故部言事者不得留中此未有大失也然在 言 (罪則其弊至于姦惡不聞真宗但惡人 一也人主之聽天下不可以偏偏則有弊偏于 歷代名臣奏該 ! 、潜行交結

金少口五 誣 此未安者二也臣聞人主之聴天下務在公聽並觀 臣 無義之言而已故書之 而 放之以實斷之以義是非善惡皆所欲聞所 復有城污狼籍者陛下無由 問欺誕之言而已即 也 知舜之善者盖以能公聽五觀不蔽于左右親 而放之以實斷之以義一切斥絕拒塞誣問 族非充之所得知也充所以 13)1 卷二 稱充者以其能疾蔑說畏 不欲聞人之惡則象恭滔天 百 知之而天下之政壞矣 能 知共工及蘇之惡 不欲聞者 欺 羽 方 言 而 詼

則天下幸甚 罰有春而無秋非天地之道陰陽之理也臣愚以為陛 **数知善而不欲知惡則是欲有賞而無罰也有賞而無** 非以其惡言人之惡也人主所以為賞罰者以善惡也 次已日日 · 也改過不吝者成湯之所以聖也伏惟陛下不吝改此 下此舉過矣其作始則小其弊成于後則大不可不察 年侍御史陳襄上奏曰臣竊以天下之道常存乎 公議廢斯道或幾乎熄矣夫人皆有是非可否之 歷代名臣奏議

時尚其心不至乎有所好惡則其言未始不公雖匹夫 重罗里尼 天下之公議常起于好惡未發之前而失于是非相 其言而英之省也且以為流俗之論亦不思之甚矣 匹婦之愚猶有可取而況士君子者乎彼君民者凡 出于理義之性雖聖人無以異也方其是非可否之 已以為非而天下以為是馬未可知也必待天下 政立一事方且自謂吾思慮之甚精議論之甚熟 君人者不可不察乎此也已以為是而天下以 卷二 百 Ξ 為 勝 故 施 聞

修 馬是以事行而不停属王暴虐使人監務名公用是諫 無貴賤威疎賢愚惟恐其謀之者不多論之者不博道 詩諸獻典史獻書師微腹賦蒙誦百工諫庶人 告以為非然後捨馬是衆人 ·. /9 5 文武成康之遗風而雅道復行故其政善者詩 而不聽遂至流亡之患宣王既立用方名以為輔 臣盡規親戚補察暫史教誨者艾修之而後王斟酌 所存議之所從也古者天子聽政使公卿至於 ~ 歷代名臣泰議 八捨之 也故其取于 傅 列 相 語

無 水 降部書詢求闕政每遇便殿延訪羣臣之言至于日景 享國以来咨嗟求治惟恐一言之不獲一事之未聞親 夫言之於人君其取捨與亡如此之明效也伏自陛下 燎是也或規馬沔水是也或海馬鶴鳴是也或刺馬祈 父白駒之類是也故天下諸侯復宗周而王室中興馬 多只四月全書 "若雲漢松高之類是也其不善者詩人亦或 箴馬庭 命百窟轉對得以封事上開求之前王未有若陛下 廣聽如此之勤也然而與事改作惟聖其難王 卷二百三

士民者艾不與聞臺諫不得議所建議惟門生屬吏 終猶天道之 也易之蠱曰先甲三日後甲三日終則有始天行也言 悱 已天下雖有是非之論 石近置條例一司失于過聽事不由於宰府謀不及 こうう 有事之時人君欲創制申令必先審電於始當圖成其 然非之謂不可行此由責任太專而不取人言之 而議天下之法於陛下雖欲從之其如天下何昔者 1. 1. 2行四時以成變化奈何獨以一二臣之 歷代名臣奏議 一切不聴事行之日中外莫不 過 臆 而

銀定四庫全書 子産止之曰夫人朝夕退 宣王之政责近臣以子産之用心無任 思古人盖傷今不復有斯人也伏望陛下復雅道 何 所善者吾則行之其所惡者吾則改之是吾師也若之 毀之孔子聞之日人謂子産不仁吾不信也韓愈為 頌曰誠率是道相天下君旁通交暢施及無垠盆惜 不遇也又曰四海 一相鄭鄭人 人有遊 鄉校 所 ハ 以論執政 而游 百三 不治有君無臣誰其嗣之我 馬以議執政之善否 者 然明請 蝬 鄉 以 其 行 校

处巴田軍在馬 襄又上奏曰臣聞君之視臣猶心齊之于股肱耳目也 舉之患矣易曰同人于野亨利沙大川言所同者遠無 工羣吏咸得以職事持議歲補主闕則可以無偏係過 去誅求之法以安人 四者相資而成一體則不勞而功用成矣故公卿者 則天下之福也 廢天下之公論舉 係各則其道光事可濟大事矣伏惟陛下留神聽 事必稽于衆施 心牵復放斥之臣以開言路使百 歷代名臣奏該 政必順于民罷 納

作朕股 金罗四月月 臣必求方直辯博之士司其視聽而補其闕遗其心 忌諱者欲以致君之無過而非所以暴其惡将以 臣蹇蹇匪 也古之人臣諫諍其君尚可以言雖鈇鎖之在前無 然惟恐不聞 而非取其名盖居言責之任其義當耳故易曰王 肱而臺諫為其耳目也故古之人君用諫諍 肱耳目又曰予違汝弼汝無面從退有後言是 躬之故書曰斯謀斯猷惟我后之徳是也 切直之言以救其失故舜戒其臣曰 基二 百 Ξ 劾 町 臣 諰 臣

責降尋准同知諫院范統仁牒稱為臺官劉琦等責降 沙定四車全書 一 有狀奏乞留逐官及言參知政事王安石事居家待罪 襄又乞免劉述等言事罪状曰臣近者竊聞侍御史知 雜事劉述以繳勒被劾前日御史劉琦錢頭又以言事 後諫者也伏望聖慈少察臣之言則天下幸甚 之失則周旋切争不以為干譽而無所憚此所謂信而 則雍容聽納不以為暴已而無所疑下之人尚聞一事 君臣之際同心協德義成一體上之人尚聞一 歷代名臣奏議 言之語

諫諍之道也自陛下享國以来凡五易御史中丞臺諫 而行之不宜小有件首便加譴斥恐非所以通下情来 諫月目之官尚有見聞不敢緘黙事之可否在陛下擇 論報陛下之心愈急事既傷于欲速人不免乎有言量 朝廷上下之情華成若此臣實憂之陛下始者知安石 更不供職乞行贬電牒院照會者臣亦備位諫官端視 賢耀與大政天下聞之其不相賀以為陛下有知 在能任道徳之臣陛下賣望安石之意既深則安石 卷二百 次定马車在事 一 官無復敢論柄臣之闕失矣此竊為陛下惜也夫天 若陛下因此罪之是使天下偷禄尚安之人盆隳官守 臣雖風聞失實未為深過若以微罪被逐是使言事之 矣況御史之任得以糾正朝綱今琦與顗為言執政之 因循上下無守述為刑曹繳勒待罪可謂不失其職矣 色拒人於千里之外在于聖政不為無損也況今官政 之官罷斥相繼以不失職而去固無所損然而天下 八皆謂陛下不能包容聽納室塞言路記記之聲音顔 歷代名臣奏誦

監察御史張戩等乞察官依諫官例登對狀曰臣等每 不以言誠近臣而重琦等之罪則天下幸甚 有濟有客德乃大碩陛下不以守職違部而寘述于法 有本職公事数上殿敷奏必候朝首既許上殿 所以為大者以其善覆萬物而不可名善載萬物 動經旬日償遇朝廷政或闕失及外事有關係于 可度聖人之德亦在容之而已矣書曰必有恐其乃 不容後時者如此精運則已無所及況使往復待 伺 俱 班 而

飲定四車全書—— 翰林學士韓維乞不可以直言點士狀曰臣伏見應賢 詔書之意使依諫官例牒問門即許登對或所言急速 官奏論憲臣彈舉是盖堂諫之職言責既均則進見之 涉私措置失宜刑賞瑜制該求無即免濫未伸並委諫 处由中書萬一事干政府則或致阻抑耳目之可雖欲 仍乞先次上殿所貴遇事入告無憂失時 應急陳聞安可得也伏覩天禧詔書或詔令不允官曹 理無殊別何獨憲臣隔絕殊異欲乞朝廷推原天禧 歷代名臣奏議 1

常戒微渐臣恐賢俊由此解體忠良結舌阿諛的合之 陛下毋以文仲為一賤士而點之何損於事古人於事 且行事在審理審理在合時變使流言自息乃為善也 有言者陛下當嫉言事之人好同派俗沮敗朝廷行事 歸仰惟陛下導人使言一有不合便行棄點此後誰敢 良方正舉孔文仲對策入等以論時政意異記文仲 ヨグロノ 而欲點責以止之臣見其無益於行事有損於治道 得窺其間而競進為禍不細文仲可取而逐之臣恐 老二百三 也

かえ 陵夷浮虚刻核如無復有所憚者旱蝗水潦飢饉疾 幸天下 財者幾悉矣而公私之用愈屈於不足風俗彫弊徳義 九年監察御史彭汝礪論近歲用言好同惡異眾日臣 文仲未有所損而其損碩在陛下也顧改賜處分以 條 以陛下自初政于今樂十年損益賡續紛紛莫知 '師旅遠方騷然不安矣此固陛下屬精夙夜 今數下使車結軌于道郡縣之吏不能勝任言 理 所

烫定四軍全勢...

歷代名臣奏議

十四

之實不得隐于天聽矣盆事係于天下則當與天下 言路以通下情下情通則忠謀日至而利害之迹邪 謀而已微臣淺随實無益陛下毫髮之事惟陛下益廣 以施及萬世之久夫豈一耳目手足之力我惟在盡 夫潜神于一堂而欲以周知四海之遠制法于一 以安之於其順思所以寬之于其易思所以難之於其 以臻厥成之時也臣碩陛下加謹馬母忽于其動思 思所以鎮之於其貧思所以貸之此今日之至計也 一時而 所

超二百

惟異之為惡則民亦以異為賤人不能無賢不肖事 **沙定四軍全書** 而果用之異之則衆愚之以為同俗為不知治體而 能 廢之夫是非在理不在同異使同而有所附馬錐同 廷近歲用言之道同之則衆譽之以為奇才為知治體 好惡民之表也上惟同之為好則民亦以同為貴 無利害而人人雷同環合以可不可為 以為欺也異而有所取為雖異乃所以為忠也夫 人則當與我人共之非可以私也臣觀朝 歷代名臣奏講 į 則將沮 果

子而為小人 十年汝礪又論言事不當問所得頭口臣近論都檢 民憂幸甚 周乎萬物頭袋俛仰之間再無四海之外羣臣涓塵終 為義末流之與臣忍不可勝治矣陛下道濟天下而智 前充及開拆事初十日准中書省劄子奉聖百具析 足以有益耶惟深為天下屈意聽納以答天變以同 俞充事迹得於何人 とす 人将稀罪而為功虚方數而為實利方詐 聞奏者臣不肖不足對楊陸 ā 西 正

映定四車全書 或為臣言亦非有所欲也與于臣之誠心而已與以至 司夫廢一官吏非足為朝廷輕重也然官吏以漏言 中而臣乃獲安馬則臣不唯不容于人而且得罪于有 糾掩姦慝非有毫髮為其身謀也實自陛下使之衆 之也于是有耳目之官御史亦因聚人而問馬凡臣之 所謂邪有賢則有所謂不肖人君淵居嚴密無由自察 命承部震恐惶然失次臣伏念天下之才有正則有 而得之及有所畏避而暴露之而投諸告獲陷穿之 歷代名臣奏張 ナバー

予碩并納以易罪若猶未也願益察之緣臣論 **臺諫而廢則眾皆以前車為戒而外之是非得失無復** 罪其甚馬臣寧自刻不敢奉明記充之材行如陛下知 委官盡公根究如有不實則臣為誣善為移行電派煮 之為詳則臣之罪亦自見矣凡臣所居官職皆陛下所 外之是非得失将無以照燭幽間而弥縫其空缺臣之 至於臣華矣以臣之昏弱不肖而使憲臣盡不得聞知 御史中丞鄧潤甫裏行黃廣亦各有疏乞詢于衆及 卷二百 列非

Raid Like 達不敢諱匿不陳以負威恩惟陛下加察馬臣聞之 正之人臣我之所委也非能輕重之非能榮辱之而 聞朝廷之議論而其學不根屢辱聖訓乃知充之道 能名孔子之言性與天道不可得而聞而其間有所未 人莫難於争臣為人臣則不得有已為争臣則不得有 願又論聽言未至既日臣幸以不肖得備數憲府與 (君我之所天也能制禍福能制貴賤而有過則 何辭臣無任怨切之至 歷 代名臣奏議 ナセ 無 必

於天下之賢錐古不能過也聽言之道有所未至者。 怨惡則其身其計非為其家亦明矣陛下至誠懇惻碩 至安而投不測之危禍首違衆人之祭譽而召無窮之 乗田委吏皆可以成業而以償来之名跪舍去天下之 姦惡則必言之以至賤應至貴而言其所惡聞之過失 多穴四周全書 以至孙敵至衆而發其所隐之姦惡則危辱怨禍之至 如臣不尚而優容假借慰籍之良厚則知陛下屈意 歸馬危辱怨禍不獨其身亦及其子孫夫抱關擊拆 卷二百三

重 蜀中士大夫然後 孟 重 謂 人 こうう 臣竊聞陛下勵精於事纖悉必躬而不能無疑心臣 不用其誠也在我者無所不用其誠則人 者也臣聞之人君之所以交於天地應于萬物者無 違 有所疑 处曰國思重得于人君與得於人臣 不然周尹言王中正事陛下超以謂中正不能成就 所重而 711 有所易有所專此臣之所未喻而不敢諱 取欺天之罪 知說者有以馬夫言國恩與鄉里孰 **驻弋名臣奏漾** 從 所 輕而 取 熟重必曰人 之誠亦至馬 譽臣 府 君 쭖

諫官御史使得察百官那正辯天下利害而言則必 恐 者日夕不絕使陛下以意度之以為某人為某事言某 事為某人言某 **舒定四庫 全書** 而不任既任之復超之既疑之復任之 不敢如此臣伏思陛下於百官之中取六七人者為 以有成矣陛下所委者外臺也今外臺乞罷免點逐 人為可信也以為可信則任之而不疑以為可疑 以段待下則下亦以超事上上下之志不交則不 臣知有所不能偏臣非為尹 老二百二二 小非誠之至 则

其告之亦不敢後也盖君視臣如手足則臣視君如腹 縮陳震懾不敢以盡使以明為用則榮榮之火必不能 心陛下知足以格天地群足以彫萬物聖敬日跡方登 于堯舜而羣臣區區會不足以勢歸於五帝之佐其 論多陛下宣諭及所戒餘者則知陛下之意不以不肖 可惡而将教之也臣雖已銘刻然於義有所不安則 仰望清光哉陛下歸視收聽退藏于深宫羣臣猶 以是心待天下則賢才如尹者知有所不言矣臣所 歷代名臣奏孫

蒙宣諭以謂不知本末臣誠山野未更於事然臣所以 而無盡臣下知嗟嘆而己臣獨有疑馬臣前論市易事 事陛下其嚴如天凡所欲言稽之古參之今聽之民謀 為先矣臣每見陛下之臣稱陛下高明博厚此於天 日がし 之士大夫反覆至於無不同而後言少疑則關之十 而少賜寬間之幾使臣得指畫於前而少容盡其區 ,於古則貫穿歷世而不遺以之於今則周旋萬事 九馬則於本末之際不敢言不知也陛下誠畫察 卷二百三 地

炎足四年 在事 聼 區之 姦詐除諛自大臣以至於僕圉之 臣當言之曰是非在於銀人則與銀人共之利害繫於 惟陛下以誠心待之則言有善於臣者有不得疑之矣 則愚合之則智故曰君子之道造端乎夫婦夫婦之愚 下當與天下共之盖雖人主有不得專也日嘉問 而忘之也如臣皆間未諭指數其言不善固不足道 (以言於君子有取馬以其所長而已不以其不足 '愚則臣之言必有以當聖心者為天下之人 歷代名臣奏弘 ,殿自朝廷以至於 八散之 四

已夫人君之於人臣固有所謂庸之者能有益於國 海之遠盖無不聞知所以愛憐而不忍去者獨陛下 也傳曰民功曰庸則先王之所以庸之者以民為主而)夫辟土地以強國實府庫以富國以今言之 民為損能有利於上而於民為害皆非先王之 也夫嘉問區區實不足數為陛下道然陛下以是 也而孟子以為民賊沉嘉問上欺陛下下欺於民實 有以益國羣臣言之愈切陛下持之愈固臣未知 卷二百三 /如所謂 所 而 所

炎皇四年全書-臣 信之士不至有所易則禮法之臣不愈有所專則正直 不能毋固凡此皆非微臣所望於聖學也有所疑則忠 臣不進忠信之士不至則所與者請詐而已禮法 似乎不能母意有所易似乎不能毋我有所專似乎 下之士是害有甚於嘉問者陛下有不得知矣有 知之問而知之亦可矣不能問而 不勉則所任非 知矣此不可不戒也臣聞之治國 所嚴者矣正直之臣不進則過有 歷代名臣奏議 知之 猹 脉 治 而 疾不能望 知之

神 疑皆言路不通之過也惟陛下加慎焉 有為十年矣而事功未至於成就而其與有加馬凡 H 體為不足憂則歲時日月之變外有傳之內 勵精於事天下指日 矣知疾在 下博訪萬務雖遠外微官猶今獨前碩于侍從乃 宗時制侍郎以下不許 四支百體病有不可勝治矣臣竊惟陛下到健不惑 支則治 數月以望唐雲成周之太平 支在 二百 獨對御史中丞黃履上言曰 體則治 小有積 體以一 而

災足四軍全書 御史中丞鄧潤甫上奏曰向者陛下登用為賢更易百 則] 寢 御史 碩也逐列其制御史 狃 以圖治功然言责之路反為壅抑 將懲之臺諫不復有聞矣恐失開言路之意事 即民力則疑其違道干 柞 以言為職非有所聞則無以言今乃究其自来 見開蔽于俗學競起而萃非之故陛 歷代名臣奏該 翟思言事有首話所自来履諫 譽論補法 非 徒抑之又或 丰二 則疑其 下排 同

蒙降到吕公著劄子一 無無濟之才直書當與未當具悉奏来者臣自公著 抠 法度已就緒宜有以来天下論議至於淫辭敢行有 而發自當屏棄如此則善言不伏而真大治 宗即 止於都堂銀中一見自後未當私相見及有簡帖 流俗論斥人 而天下事變有不得盡聞義變法之初勢自當爾 位初門下侍郎司馬光上奏曰臣今月 八物則疑其計以為直故敢言之氣日 道付臣看閱所陳更張利害有 也 日夜 ンス 挟

大三日巨 二十 斷志行之勿復有疑臣見太平之功不日可成矣公者 合欲 改更必先謀於聚人所言皆同然後行之則無失 其所欲則在下 有興出入自爾師虞庶言同則釋言國家政事欲有 察公著所陳參以臣民所上實封奏状若與之同者 公著所陳與臣所欲言者正相符合盖由天 一酌民言則下天上施言為人上者當来酌民言 如此臣與公著但具衆心奏聞耳臣聞書曰有 歷代名臣奏献 如天受其思施也伏望陛

先又上奏口臣伏見陛下招開言路至今已涉旬月必 害於民無益於國便當 惟 多分四月全書! 具割子奏聞次其公者割子謹同封上 言而天下受其利可謂有魚濟之才所言無有不當 有保甲一事欲就農隊教習臣愚以朝廷既知其為 外令三省或極密院商量施行者如此則徒煩聽節 臣僚民庶上言朝政闕失民問疾若奏状已多見有 裨益昔漢昭帝時吏民上書言便宜有異報 卷二百三 切廢罷更安用教習客臣續

くこうこ 前奏降付三省及執政官分取看詳擇其可取者用黃 該毫髮無遺豈可一 問是非城否雖錯雜嘉謀長策不可謂無以露明所 者降出施行或以萬機之繁未服遍加施覽即乞依臣 降付三省極密院施行臣竊計今来臣民所上文字具 與張方平同詳定選擇可取者與元素状同進入內或 紙簽出再進入或留置左右或降付有司施行 年正處復奏先帝初即位詔中外上言得失亦令臣 7.1. 概察置全不采用欲乞選其可從 **壁代名臣奏議**

也 是非 多定四月全書-寬仁委政羣下或政有大疑議論難壹儻陛下不決其 光又上奏口臣閩古人有言謀之在多斷之在獨陸 甲議可此所以各盡羣下之所見而人 獨執異意者曰駁議其合於上意者文報曰某官某 獨 今執政之臣錐 則争辨紛紅無時而息事功何由可成臣謹按蔡 斷叙漢制有疑事公卿百官會議若臺閣有正處 可合者欲乞許令各具劄子奏聞望陛下精察其 相 與竭力同寅協恭若萬一有議 主亦不失操 柄

欽定四軍全書 監察御史無殿中侍御史吕公者上奏曰臣聞古者天 行不移耳如此再思而行庶幾得盡衆心事亦少失矣 令依某人所奏若羣臣猶有固争執者則碩陛下更 子聽政命百官箴王闕近臣畫規親戚補察然後事行 下唐太宗以高世之資親定大業然猶克已從諫以 而不悖故孔子曰天子有諍臣七人雖無道不失其天 八非可否以聖意決之或於簾前宣諭或於禁中抗出 察若前来處分果非則勿憚改為若灼然無疑則決 歷代名臣奏張

如 吾悦諫熟矣故太宗始以納諫致治而又以忧諫教其 者答曰朕 諍之臣以為賣直取名當時土省閉閥累月南臺唯 太平正觀初孫伏伽始諫太宗悦而賞之有言賞太厚 孫宜乎功烈甚高而鮮及也就至其裔孫德宗惡諫 **機亡而劉泊岑文本緒遂良馬周繼之** 西監而皇太子縣諫太宗喜曰朕始得魏徵朝夕進 不聞過失終致亂亡由是觀之好諫者帝王之 即位以来未有諫者故特賞之爾他日常怒 兒在膝前見 髙

欽定四庫全書 一八 致可不務找恭惟太皇太后陛下自親庶政盛德日 掌諫諍無空要職益廣言路又御史之官號為天子耳 皇帝陛下臨朝恭黙未有遇事然而天下至大萬務至 官司簿領之細過況唐制湮沒已久别無分明稽據臣 目 教輔 殉選忠厚骨鯁之人正直敢言之士偏置左右使 官制設諫議大夫司諫正言之官其負數甚備伏乞申 廣方始初清明之際正是求言納諫之時况先帝新定 而比年以来專舉六察故事廢國家治亂之大計察 歷代名臣奏議

試其法耳伏乞盡罷察按八置言事御史四人或六人 避不言者明正其罰如此則左右前後不能壅敬嘉言 亦容之以示明盛之世終不以言罪人若緘黙異懦畏 罔伏庶绩咸熙天下幸甚 統謬指犀臣之好黨陳下民之疾苦言有可用不以 記諫官御史並須直言無諱規主上之過失舉朝 微而廢言令或未便不為已行而憚改所言無取 極府日常見先皇煩已厭其煩碎特因近臣獻言聊 姑

疑問 **处巴口尾公子** 也 謂忠信端良之士豪傑俊偉之材俱收並用近世得賢 一盛未有如今日者君子日進而小人日退正道日長 察御史孫升上奏曰自二聖臨御登用正人 祐元年升為殿中 風熾而壅蔽之患生非朝廷之福也 顾于耳目之臣論議之際置黨附之是杜小人之 **邓惠日消在廷濟濟有成周之風此首開言路之** 開則言者不安其職矣言者不安其職則循 侍御史又乞令臺諫專對颂日 野代名臣奏議 ニナン 臣 隙

多少口月月月 **奉議杜漸防微若莹諫難於請對忠言不獲面陳樞機** 臨御以来登用正人開廣言路發德音以告中外下明 容持禄養交之俗成而臺諫風即掃地盡矣伏以陛下 竊觀嘉祐治平之間臺諫風散悚動天下比年以来尚 巴大臣皆至公而無私處事無! 臣竊惟陛下深居九重所與共天下之事者大臣而 發既屢於失身犬馬之心徒懷於嚮主下情未達 以諭四方自古聖帝明王欲治求諫之意不過如此 不當於理猶當博延

實威德之舉矣然條制未免曲為防阻者臣愚不避借 越之誅為陛下言之陛下隔日 **敬或生非社稷之福也臣近觀詔首許今臣察請對** 得次之日方 同 對且量諫之官十有餘員待其議論相同又須無 則是有終不獲對者矣夫區區跡遠之臣竭誠欲望 居半聽政不過十數日日引一 披瀝肝膽不亦難找有唐御史蕭至忠號為稱職 獲對若日有不得次之人而或議論 建七二五五 美 班而臺諫必待長官 視朝而一月之間休

式若出于故事則自當隨宜增損若出於陛下之意 陛下方且至誠聽納乃為是形迹姑娘何示天下不廣 當謂量中無長官論事不须關白當時以為知言今法 斷指揮許令臺諫專對如遇當日有不得次之人仍特 自下制上曲為防阻此尤大不可也伏望聖慈持出唇 也若出於大臣之議則莹諫之對本為大臣而設而乃 消除壅蔽之患則天下幸甚 班不獨章陛下至該聽納之德且以廣達 老二百二月ま 则

釤定匹庫全書

於 足四華 公善 恩再玷言職夙夜思念恐無以塞責而孟子以謂敬其 居安愿危防微杜漸正在今日夫充舜以聰明文思濟 明之德而必日明四目達四縣又曰稽于衆舍己 如陳充舜之道伏蒙二聖臨御以来仁厚之 升又乞依舊制引對臣寮疏曰臣愚不肖伏蒙誤 有如今日之治臣竊以謂至治之世銷患於無形 廣耳目以防壅蔽也壅蔽之傷國其患為大 如蠢動透野幽荒莫不愛戴鼓舞自三代 歷代名臣奏議 澤結

而此制 ヨデロ 嬔 則耳 不得聞者壅蔽之患不可不防治忽之 深居九重仰成輔弼 太皇 政未久臣家上 披 Ĕ 瀝 缺未講中外竊有疑馬士大夫懷忠拘義欲望 目安得不廣而壅蔽之患安得不防也天聖垂 利病生民之体威安危治亂之所係的唇智未 太后睿智燭理可 肝膽有不可者四海九州之 殿並如常儀今二聖臨御五年 二百 日萬幾之微四海九州之 洞 判於奉言皇帝陛 /利病休成陛 機不可不成

火足の車を助 陛下所以不次用臣者宣徒備二省之員為朝廷美觀 **充舜之所先明目達聰之舉也伏望聖慈少留聽馬天** 也伏乞明的有司依天聖舊制引對臣察並如常式實 海之見聞以資聽覧此堯舜之所先而聖政之不可後 列內惟譾薄媤無以稱尋具辭免不紫俞允竊伏思念 九祐九年右正言劉安世上奏日臣 近被聖恩權寡諫 幸甚 日疏宜習聞於庶務收天下之耳目以為聰明魚 歷代名臣奏議 四

則正后從諫則聖然則古之聰明庵智之君所以能大 後言伊尹之告太甲曰有言逆於汝心必求諸道有言 故臣拜命之初未敢指陳政事而首論治亂之本原 遜于汝志必求諸非道傳説之復于髙宗曰惟木從絕 于衆舍已從人舜戒其臣曰予違汝獨汝無面從退 所學惟陛下毋憚煩而試聽之臣聞書稱充之德曰稽 君之大體庶有以副公朝圖任之誠意畫愚臣平昔之 而已盖授之以名者必求其實任之以職者必責其効 有

金グロアルと言

者自去歲以後屢罷言事之官中外臣民不知其詳往 時垂不拔之勢崇起教化修舉法度粲然追跡于三代 往竊議以為陛下好賢之志稍異于初年納諫之心 **灰空四草 白雪** 怠於昔日臣竊憂之恭惟祖宗以来尤以莹諫為重雖 人自竭樂告善道而天下之情無不通也然臣尚有疑 所言者未必盡善所用者未必皆賢然而借以彈擊之 隆者豈有他我持以陛下至誠虚已首開言路故 人者未有不以求諫為先務也今陛下居久安之 歷代名臣奏議

金罗巴尼白電 者至於不究其所論之是非不察其所爭之當香陽餌 宜開廣聪明留意採納而前日臺諫數人相繼罷去甚 權養其敢言之氣者乃所以制姦邪之謀于未前防政 徳不可不戒若出于大臣之計那則陛下宜察其用心 以美遷除奪其言責使忠正之臣愤懑而不能發修潔 今之失於未兆也今陛下深居九重政在大臣之際固 不過欲排天下之公議以快其私意而已臣竊謂姦 之士愧极而不敢受若果出于陛下之意邪則虧損聖 = 百三

臣之所為蔽耳目之任而挫忠義之氣非所謂慎終如 不能救其害陛下視今日何如祖宗之朝而乃一 者也臣之所以先默此言者非謂忝列諫垣乃敢要 服詳覽替言與進端良容受直諫祭之以公議持 俗之人指以為嫌疑者臣固有所不避也伏望萬樂 以固位也實以上關宗廟社稷安危之機下繁君子 消長之漸是以反復論列期 '始任莹諫足以折其謀至於禍胎既成雖聖賢 有以感動家東若去 趣

大巴马巨公哥

胜代名臣奏該

留聽不勝幸甚 多分四月子言 宗以謂君尊如天臣卑如地加以日月之照雷建之 能窺何間除以售其私則忠言嘉謀将繼此而進矣臣 以誠心所愛者必知其惡所憎者必知其善使臣下 安世又乞籍録臺諫章既状口臣當觀唐李絲之對憲 天賦愚直不識忌諱惟陛下察其愛君憂國之誠少 臣晝夜思度本欲陳諫十事至時已除五六速于緘 一進又削其半得上達者盖無二三以此推之則 卷二百三 .赐 不

炎足四年心島 先録事目然後付外若三省聚議以謂可行即於章 弊務通天下之情應基諫官有所論奏别于內中置籍 未必皆至于盡善要在君相推至公之心擇所長而行 尤宜開廣言路以防壅塞臣愚欲望陛下深鑒前古之 臣之所以獻于天子之前者莫非精思熟慮而自以為 之則天下無遺策矣今二聖臨御委任大臣方此之 不易之言也雖人之才智遠近小大之不齊而其所論 後具已施行次第繳奏或議論少理決有難從者亦 歷代名臣奏該 疏

時政闕失公私利便者臣聞帝王即位之初必有以順 きグロび P 言識議畫關聖覽取捨至公為後世法 與奪已得允當並候注籍記却以真本降付三省或家 惟皇帝陛下仰承碩命而履天 以為不然即大臣奏事之際更可面加詢訪所貴忠 下之心答中外之望其為之有序在知其要而已伏 一部即中曾肇乞復轉對状口臣伏 可行之状封進以聞伏乞陛下更加參酌首執 月章 基二 百三 之尊太皇太后陛 親令文臣下得 言 政

髣髴也陛下繼之承之任大責重然四海之廣萬事之 **東巴田屋 公馬** 其情 勤恭儉日謹 烦憶兆之衆不可家至而人接之則欲達天下之情, 顒觀聽之時也端本謹始實在今日臣愚輕不自揆敢 倪徇權宜而議軍國之務此正華夏蠻貊洗心注目顋 下之務宣有他我在廣言路爾言路廣則人 心伏惟留神聴察幸甚臣伏親先帝嗣位以来憂 《得盡其情則上無不聞之事下無不通之 日神功聖徳充塞天地固非臣言所能 歷代名臣奏議

賤者不以駷遠而敢欺陛下深處法官之中端拱無 得 益之百姓之所願 見矣然後察政令之得者則力行之 多分四月子言 方萬里之外陛下不出户庭不降几席可以周知而 今之得失百姓之休成羣臣之忠邪賢不肖錐在 一聞百官有司奉法遵職貴者不以崇高而敢 治矣夫任己聪明則其察愈詳其敬愈甚因衆 那 任賢而退不肖夫然故上 欲則與之 百. 크 百姓之所疾告 澤得以一 彌綸未至者則 則除之 下及 損 情 顯 傋 四

炎之四華 全書, 敢諫之鼓陳誹謗之木又使替獻書師微腹賦矇誦 宗初即位延見羣臣或論往古成敗或究民間利病每 宗之所已試則命百官轉對實今日之要務也昔唐 也三代以還咨詢訪納固非 明四目達四聰以謂繼治世者耳目尤不可以不廣故 如任衆也舜之繼尧所守一 臣盡規親戚補察被直聽明之不足哉知任己 明則所視者遠所聽者周故先王設進善之旌立 歷代名臣奏議 道然舜初受命則闢四門 一途然近世之所當行

金万里瓦 當世之務故能外強兵威內修政事而顯德之政獨高 情尚有阻終獲上通周世宗即位之始亦延羣臣使陳 則君臣感歎議息征徭故能創業垂統成貞觀之治下 五代光帝熙寧之初亦詔百官咸以次對故事不遠行 規不言者責其隱點故陸勢以謂諫雖未從且不深忤 至代宗每於紫夜聴朝常限三人奏事敢言者賞其盡 言及稼穑艱難則上下相規務遵勤儉言及問閥疾苦 非難此臣愚惨惨所以有望于陛下也今學士 11.11 老二百三

大臣司臣 公事 聽言之實忠謀讀論日聞于上而阿連雅蔽之私不得 當或過於計直者寬裕包涵而不加以罪非但舉空文 **我陛下察其言之當者納之用之而勸之以赏言而未** 行矣天下之情孰有鬱塞而不伸天下之務孰有怠 循故事而已如此則四海之內知陛下有好問之美有 有忌諱則熟不踴躍奮勵各整所知以補聰明之萬 人未至爾陛下沛然發德音下則怛之詔使之極言無 淌周行人 人有所懷旨願自竭但應詢求之未廣聴 歷代名臣奏議 季六一 納

從之官責以論思獻納是皆朝廷之所素講不待臣言 而不起者我故臣愚過計以謂今日之要務未有易此 而悉者也伏惟聖慮深遠無所不周 者也至於廣收骨鯁敢言之人充耳目之任敷左右 私食于自效愚者千應真有一 惟陛下察其用心而赦其借易不勝幸甚 碩以世荷國恩兄弟皆蒙先帝不次收採不勝大馬 摩然中書舍人又 上秦日臣伏見陛下臨政以 得冒進在暫干犯典 如臣賤殺不識 侍

多分四月白言

古,

 於定四車全書 勇於自勢至不以出位為嫌而以不能盡言為班振起 天下敢言之氣始自今日如王朝者身在言責有所 不唯朝廷政事人情以至四方萬里幽深隱伏之利病 開寬聰明大闢言路錐拂意逆耳試汗狂妄常人之 不得不為陛下盡言而無隱也陛下未以其言為然 不畢聞于上者言路無壅故也是以在廷之臣人 歌詠頌歎以謂古之聖帝明王不過如此一二年来 不能容者莫不虚心克已温解降色以受之天下之 歷代名臣奏議

寄耳目于董諫二者相須不可闕一 政 此 其肯以身陷禍而凱萬一之聽我故觀之一身出入 猶當寬大含容未宜處棄何則以言賞人猶有觀望畏 而 不足以為輕重而陛下言路之通塞人情之伸屈在 即去之是 臣朝夕在人主左右據 舉此臣不得不為陛下慮也陛下寄腹心于大臣 不敢進者以言罪人人将鉗口結舌望望然去 《何異愛腹心而塗耳目豈不殆哉且執 利勢國柄人 今朝一 一言論 及執 内 矣

读記四華在書 恐在廷之臣以親為戒依違碩望莫肯正論執政大臣 陛下深念祖宗付託之重爱惜朝廷莹諫之體不以容 臨政以来何獨至于朝一言之入遽不能容示天下以 錐 納狂直為難而以壅塞言路為懼以覿所論質之公議 不廣也觀以小官不二三年拔權至此今以言獲罪猶 也尊之使言循或不聞其過今一言及之遂至逐去臣 有罪惡陛下亦将不得聞矣此可為寒心者也陛下 便郡於覿何損臣所惜者于聖政不為無累爾伏望 歷代名臣奏議

萬 苗其言可取固當行之如無足棒亦願陛下容之度外 有制辭未敢修撰 使天下之人知朝廷不罪人言終始如一 金グロなんに 事罷職降官差知南康軍臣初聞之意謂原資性山 有所畏忌增益陛下虚心納諫之明是一舉而數美從 兀符三年肇又上奏曰臣伏惟給事中龔原以妄議政 也其可忽哉臣俸位侍從首尾三年常恨不能補 今輛緣職事冒進在替惟陛下留神省察幸甚所 卷二百 一而執政大臣 報

文記日本 江西 廷之內有官守言責之臣孰不激勵自奮歌以仰副陛 待故四方之士聞風頭躍争獻所聞以裡聖教況于朝 竊有所懷不敢隱點当止惟陛下留神聴察臣伏見陛 言初雖震怒終必於赦傾聴數日未聞別有指揮臣愚 召還朝廷又命近臣選舉莹諫官以補闕負仍下詔書 下即位之初深懲前日奉臣阿諛壅塞之弊収録廢錮 不善為辭觸犯天威自取點逐陛下霓仁大度容納直 人直言時政闕失中外喧呼以謂充舜之治指日 歷代名臣奏議 旱九 可

诵 忠誠有犯無隱不足以當陛下拔擢委任之意是以 信哉矧如原者素以學行知名頗識事君之義昨蒙 辯于後其所以誘之者然也古人所謂主聖臣直宣 東省數有論列雖未必皆當聖意然比之前日偷安 虚心納善之誠我是以精月之 取於疏遠之中縣置侍從之列其設心以謂非傾 展 與其有官守言責之臣則遇事報發無所碩避 日論事之人其多何啻百倍非皆好然于前而好 百三 間近者歐其明遠者 竭 白 非 陛

鱼罗巴尼台

此 Coloral Like 聽況當獨斷之初而近臣以言得罪臣恐在位之臣自 苗容以保禄位者則有問矣以陛下之明聖豈不察其 齊雷霆之威俯納芻蕘之議萬一可采乞出自中批霓 復萌僥倖之心所緊甚重不可忽也臣受陛下厚恩而 今兹所論非獨為 以論思為職尚有所見報以上聞每蒙優容未賜誅斥 用心以陛下之寬仁豈不容其冒瀆遽然出逐實駭衆 以言為戒蹇諤之風浸微阿諛之俗滋長小人 **龔原實以上繁國體伏望陛下少** 歷代名臣 奏議 四十 、觀望

宗著司門令式云其有無門籍人 **招宗時蘇軾乞依舊制許臣寮上殿疏曰臣謹按唐** 不勝幸甚 兩 防蔽塞錐無門籍人猶得非時引見祖宗之制自兩省 司與仗家引奏不許關礙臣以此知明主務廣視聽 之自圖去就庶免朝廷有因近臣論事遽行出逐之名 赦原罪或今降官供職以责後効或别移在京差遣 制近臣六曹寺監長貳有所欲言及典大藩鎮奉 (有急奏者皆今監門 使 深

多方四母全書

卷二百三

炎巴口巨白手 其餘獨許董諫官及開封知府上 不幸而非其人民之利病不以實告則陛下便謂天 賜召問非 太平無事可言豈不殆我其餘臣寮雖許上書言事而 偽非尚而已伏見陛下嗣位以来唯執政日得上殿 廣事物之變決非十餘人者所能盡若此十餘人者 路出入 人禁中如在天上不加反覆詰問之因而斥有位 (辭見皆得奏事殿上其餘小臣布衣亦時 獨以通下情知外事亦以考察奉臣能否情 歷代名臣奏議 一殿不過十餘人 罕一

英能及吾國其殆我今在廷之臣言事四年而卒無可 者宣言盡不足采其事皆不足行耶昔之人君有謀事 者固多矣未聞有一言能開悟聖聽一事有推行于時 不見省馬則所以丁寧而求者恐乖至誠之道也陛下 采者其為朝廷所宜憂遠矣使萬一 而當羣臣莫能及退而有憂色曰以吾議于朝而羣臣 此甚盛德非羣臣所能當然自降詔書四年于兹轉對 阿私糾在朝之朋比推至誠来讀議追夏禹拜言之美 金好口屋白書 巷二百三 其言有可收銀而

してこううこ ここう 政之大臣中書執政之大臣未必得服盡覽則屬之禄 體為輕矣古之聖王詢于劉莞而擇狂夫之言者豈謂 為重輕羣臣誠淺薄不足以仰望清光在陛下聽言之 近臣者詳而總擇其可否此乃陛下謹于聽納不以獨 屬據屬又未必能詳擇乃問委外廷之臣使之可否迭 臣下所得預也今又不然罷近臣看詳而悉付中書執 見為明然議者循以為可否羣臣之言當在人主宜非 壁代 名臣泰議

萬機之繁百官封事固難悉覽項令館問臣家分閱屬

莫甚為後来者孰肯勵精竭誠輸切至之言我且人臣 少親覽而悉送中書則孰可以盡利害之實而況天下 其言有深切至當而陛下聽覽有所未至例出其封章 言者也夫善言者非言之為難得其所以言為難也故 進言莫不希人主一省而有懼後患之心如知陛下不 信而後諫可以言而後言誠使自處如此者轉對於廷 **芻羌狂夫其應有過于聖王我所以博詢魚聽而来善** 可否于公府之禄屬下及外廷之小臣則彼以為愧悔

多定四库全書

卷二百三

夷之變民勞官冗将驕卒惰財用匮乏之與不可勝 たこうり 之故而遂军與羣臣接我方今天下多事飢饉盗賊四 惟太皇太后以盛徳在位每事抑損以議遜不居為美 避專斷壅塞之嫌非細故也伏望聖慈更與大臣商議 事有不可以書載者心之精微口不能盡而況書平 除臺諫開封知府已許上殿外其餘臣寮舊制許請 政出惟箔決之廟堂大臣尤宜開無聽廣覧之路而 然明目達聽以防壅塞此乃社稷大計豈可以誦遊 歷代名臣奏議 四十二

甚 奏事及出入辭見許上殿者皆復祖宗故事則天下 多京四月百書 監察御史王嚴叟乞養誠心以来諫諍状曰臣伏以社 為我聽則何以遂羣生之樂成天下之 里之遠非諫諍以寄聰明于萬有使人人為我視物物 **稷有安危天下有治亂產生有憂樂繁人君指之何如** 我然而聽諫非難来諫為難来諫非難在誠心以好之 夫以一 一身之寡而應萬機之繁以九重之深而察萬 卷二百三 /治保社稷之安

てこうい こい 于有所偏好耳有所偏好則小人得乗間以進而君子 馬者何也無誠心以将之也無誠心以将之者患在蔽 惟恐其後耳惟恐其不至耳好名之君蓋亦未嘗不自 于好諫而誠心以行之則天下之人皆願以誠心告之 地至大也誠心則可以動而汎於其餘乎人主尚誠心 至廣也誠心則可以達鬼神至幽也誠心則可以通天 誠心以行之而已矣百姓至愚也誠心則可以感四海 以為好諫也然天下之善不至于前而天下之美不歸 **旺代名臣奏議**

巴而惡之甚者至以為誘巴而害之此安危治亂憂樂 拂其意以攻其偏好而勉之於大道然其君或以為 多定匹库全書 親近曾不知所以說已而成已之惡也君子之于諫直 助之以為說宣諫也我然其君自以為忠于我而日 |虚持之以至平行之以至公而不置耄釐他意于 "所以分也臣以謂養誠心有道守之以至静處之 /論遠矣小人固亦自以為能諫也持順其所好而 則誠心得矣誠心得則明明則是非不亂而忠邪判 補

道贵乎盡論事之體贵乎容不盡則不足以感動聖心 稷幸甚 嚴叟為右司諫又乞令莹諫專對疏曰臣竊以納忠之 トストンショラ ハートラ 自立不能無不同既不同則不能無忌礙而言有所不 不密則不足以成就機事人主待臣下錐無間而臣下 初清明聖徳方進顧養誠心以来天下之善不立偏好 以杜小人乗間而使君子之論日聞于前天下幸甚社 **美忠**那一 分天下之治可坐而致也伏惟皇帝陛下 歷代名臣奏議

聞以告主上豈可却使互相窥察常得志同道合之 客害成之失且莹諫官天子耳目之任當使各盡其見 来故事臺諫官只令一人上殿庶使各盡其忠而無不 道也古之人有以告于君者雖父子之問不以相語況 不可不察也故事莹諫官論事不相通議亦不關白官 盡事有所不容言之不盡事之不密非有益于朝廷之 釞定匹库全書 則可若有懷私意持異見者如何與之共論于上前此 可使他人聞之式伏望聖慈察臣之言特賜指揮依久 巻二百三

蒙允臣所奏只乞作出自宸夷批出指揮 所緊國體至重臣不敢尚且自安便為倪點負陛下 愿言之未切聖心未加采納竊緣此事出于陛下舉動 嚴叟又論安及側不必降記状曰臣前日以風聞欲降 諫官須二人同上則似與六曹開封相類恐非體要如 封有司之事皆有定法所以官長與屬官同奏對今莹 としこういう といれる 記書安招紳之心輕犯天威論奏不便乞收的勿下深 長盆欲以各盡其忠宜可上殿却使兩人同也六曹開 歷代名臣奏品 四十六

惟是挫端良之心增姦邪之氣具不獨如此而又将有 正宜日進此道不像以終之以副天下之望今方喻年 諫為聖功天下風聞莫不鼓舞雖前代英主有所不及 多定四库全書 詔之出上無益於聖德中無益于治體下無益于忠言 而遽下此詔雖名為安慰罪人其實乃約東言者竊恐 四方流聞疑朝廷厭言而拒諫有損陛下藏美臣謂此 日待遇之意伏觀陛下即位以来惟以求言為盛德納 睥睨朝廷以為可以窥測侮易政令以為可以動搖 卷

沙里里至 寧諭臣等曰天下之事無大小一一言来當一一主張 未諭陛下求言如此之切不應厭言如此之早也近古 臣感激至恩恨不傾瀝肝膽以為補報今日詔書臣所 則言雖多而何傷臣初為諫官對于篇下親聞徳音丁 擇可行者而行之仰不累陛下之明俯不失言者之職 好諫莫如唐太宗敢諫莫如魏鄭公太宗一日問日今 以塞其聰明未聞禁言者使之不言也言者言之陛下 自古欲治之主惟患言之不多天下之善惡有所不聞 歷代名臣奏議

之初心導人使諫羣臣亦當有希魏公事君之大節以 告不自覺公向未道時都自謂所行不變及見公論說 諫雖勉以聽受然終有難色太宗曰於何事如此鄭公 美太宗之服義景仰魏公之盡忠願陛下慕太宗貞觀 使諫三年已後見人諫諍忧而從之一二年来不悦)失甚端公但存此心朕終不違公臣讀之至此每數 所行與往時何異鄭公曰貞觀之初恐人不言尊人 陳之太宗曰誠如公言非公無能道此者人皆

こくこうこう シュレー 重事外人不知出于執政同奏但傳以為彦博照管亦 一歲叟為侍御又論張舜民罷言職状曰臣謹按張舜民 緣奉世是彦博門下之人待遇最厚今封冊夏國既屬 知其非而不告陛下得為忠乎況外人之議亦有所以 衆論聞之朝廷此盖言事常體復有何罪若聞外議心 既中引文彦博照管劉奉世之語非出自誤乃是收采 還天下幸甚 報陛下者以詔書未宣布問惟陛下斷自清東早賜以 **型代名臣奏議** 5+13

闕失循許盡言豈有大臣不受一言之觸國家置御史 舜民非狂言皆有理行與不行在陛下擇之而已逐加 聪明果非則何傷于彦博書日狂夫之言聖人擇馬況 言之者無罪聞之者足以戒正謂此也果是則有益於 多次四库全書 不足脏舜民據所聞而言乞朝廷裁察别有何意詩曰 、惡陛下欲聞亦不得聞矣此非社稷之福也今朝政 欲警察權強雖有過論亦當優容令舜民以一言獲 罪臣恐而今而後居言職者以言為諱他日大臣有 卷二百三

嚴叟又上次日臣連上封奏乞復張舜民言職尚未蒙 **沙定四軍全書** 指揮施行臣以舜民志在盡忠雖一言失當而無可罷 少賜来納幸甚臣讀汲照傳每切歎包其為人養直 無所損所惜者朝廷之事體陛下之舉動天下之觀望 以事陛下而衆庶之情不壅于上聞不勝幸甚 也伏望持迴聖意還舜民言職使忠臣義士得盡其心 罪臣疑非陛下本意以有誤聖聽者矣此事於舜民殊 罪清議沸騰以為過舉義不敢安理當極論惟陛下 1 歷代名臣奏議

舜民也為陛下惜一敢言之臣也非争一屬官也為陛 得而用之愚臣區區之東實在於此今日之論非私干 我姦愿消禍亂其益如此故天下之愛其君者莫不願 諫遇事輙發如公孫弘張湯華懷詐餙智以阿人主他 必然之理也陛下于此幸加反思非好臣之說緣也好 下惜言路也言路重則朝廷尊言路輕則風憲陵遲團體隨弱皆 至淮南王欲謀叛以黯在朝為之寢謀直臣之于國家 所不敢言點常面觸之故不獨漢庭之臣知所畏憚

次定四軍全書 在國家臣所以風夜憂懼不知所處陛下開言路之 嚴叟又上奏曰臣累上章言張舜民罷職非罪乞令還 願 章早賜付外施行使怨歸言路而美在朝廷臣不勝了 名朝廷被罪言之謗臣竊恨之伏望聖慈檢會臣等前 **量未蒙采納施行此事所繫不在一** 所以報陛下唯知而不言則為負德耳舜民得敢言之 主之道勝也臣以言為職言而見用與言而得罪皆 歷代名臣奏議 張舜民而在人主

言事官多與權臣為敵怨仇不易當每徳音丁寧既慰 解權臣私意一件不忘此人情不得不畏也尚非守節 之言曰寧觸人主怒莫忤權臣意盖人主無心雖怒必 政大臣多不便之而陰為巧說以害其忠必使主信之 籍之又嘉賞之謂朝政闕失大臣私邪百姓疾苦事無 ヨラロル とう 而不覺終至于忠言不用而權臣得以行其志所以人 如此故敢遇事必言無所回隱然古今之公患患在執 但言欲賜一 一主張言事之臣恃陛下照鑒

量今日舜民忠總陛下因論邊事偶有一言旁及大 御史劉次莊陰附蔡確為姦方確用事陛下何由得 跃定四軍全書 知難而退藏依那無間而進取除附大臣為自安之 確去而其姦始敗使確且在位履與次莊進用盖不可 不復以陛下之事為事矣前日御史中及黄履殿中 下錐加換激未必便得其人今又罪而斥之臣恐忠義 死義之士誰能忘其家而遺其身以取權臣之怒於陛 無所傷遽以大臣不說而罷之是附人 歷代名臣奏議 八主不岩附 季 言 槯 臣 知

者陛下不可不察又非獨擠 封冊疏必不以彦博照管奉世之言為毀傷彦博亦未 畫傾言路也遙知舜民之罷臺諫以争封奏紛紜言詞 愤激必拂聖意聖意不喜則言路皆可摇而去矣此其 臣也事在耳目非臣妄言臣伏親陛下初降出舜民論 姦謀陛下又不可不察也姦人 母グロルと言 須欲朝廷逐御史臣恐執政大臣有念舜民攻其所 而增飾老臣之言以動聖心而擠舜民以快其私忿 百 一張舜民也其意乃欲以 以此感陛下一事既行

於定四軍全書 伏思陛下特屈公議點御史以為老臣者亦足矣今以 厚于無御史矣誠蒙陛下幸聽臣言則朝廷過舉反而 不兩難耳臣聞君子之愛人也以德而不以姑息願陛 公議不可奪而復還之非陛下得已也老臣豈不亮陛 之心我尚何以為憾乎由此而言臣以謂陛下處之 必有甚于此士大夫之所以為朝廷憂也臣度聖心 以德愛老臣勿使受姑息之議則陛下所以待之者 歷代名臣素議

為盛德老臣謗議變而為美談破姦謀于欲肆激忠義 陛下所賴以察四方之事達四方之情者言路數人 陛下今日遂死無所恨矣惟聖主留意毋忽 之美惡不可以凡舉人材之賢不肖不可以互知切 事度而知之不如耳聞其說耳聞其說不如目親其真 嚴叟又請廣言路祭用四方之士既曰臣以謂天下之 于已銷社稷之福多矣非臣之利也臣傾盡肝膽以告 今四海之大萬里之遠民情之利害不可以緊言風俗 自グロルと言 卷 而

欠已日華白島 巴而專用一 常于言路參用四方之士天下幸甚 方之人非所以廣聰明于天下也臣顧陛 歷代名臣奏議

金少日万人 歷代名臣奏議卷二百三